
ADRODDIAD I'R:	Is-bwyllgor Trwyddedu
DYDDIAD:	29 Mehefin 2016
SWYDDOG ARWEINIOL:	Pennaeth Cynllunio a Gwarchod y Cyhoedd
SWYDDOG CYSWLLT:	Uwch Swyddog Technegol (Trwyddedu) 01824 706451 licensing@denbighshire.gov.uk
TESTUN:	Deddf Trwyddedu 2003 Cais am Drwydded Eiddo Newydd: The Pots, 22 Stryd Fawr, Y RHYL LL18 1ES

1. PWRPAS YR ADRODDIAD

- 1.1 Mae'r Awdurdod Trwyddedu wedi cael cais am Drwydded Eiddo newydd, a gyflwynwyd yn unol ag Adran 17 o'r Ddeddf Trwyddedu 2003 mewn perthynas â The Pots, 22 Stryd Fawr, y Rhyl. O ganlyniad i'r ymgynghori angenrheidiol a'r Rhybudd Cyhoeddus gofynnol, mae'r Awdurdod Trwyddedu wedi cael sylwadau perthnasol sy'n gwrthwynebu'r cais. Mae angen i'r Is-bwyllgor wneud penderfyniad ynglŷn â'r cais, gan ystyried yr holl ffeithiau/tystiolaeth berthnasol.

2. CRYNODEB GWEITHREDOL

- 2.1 Mae hwn yn gais am Drwydded Eiddo newydd. Mae'r sylwadau a gafwyd yn ymwneud ag Atal Trosedd ac Anrhefn, a Diogelu Plant rhag Niwed a Diogelwch y Cyhoedd.
- 2.2 Atgoffir yr Aelodau bod yn rhaid i unrhyw benderfyniad a wneir fod yn unol â (i) Datganiad Polisi Trwyddedu'r Cyngor a (ii) Chanllawiau a gyhoeddwyd gan yr Ysgrifennydd Gwladol.
- 2.3 Gan weithredu yn rhinwedd Awdurdod Trwyddedu, rhaid i Aelodau geisio hybu'r Amcanion Trwyddedu, ac os yw Aelodau'n ystyried bod materion yn gysylltiedig ag un neu fwy o amcanion, gallant arfer eu disgrisiwn.
- 2.4 Atgoffir Aelodau'r Is-bwyllgor Trwyddedu na allant arfer eu disgrisiwn mewn unrhyw achos, am eu bod yn ystyried bod hynny'n ddymunol, a dylid rhoi rheswm (rhesymau) dros unrhyw benderfyniad a wneir, neu os

penderfynir gwyro mewn unrhyw ffordd o'r Protocol, y Polisi neu'r Canllawiau.

3. ARGYMHELLION

3.1 Penderfyniad yr Is-Bwyllgor

Mae'n rhaid i'r Is-Bwyllgor, o ystyried y sylwadau a wneir, gymryd camau o'r fath (isod) maent yn eu hystyried yn angenrheidiol ar gyfer hyrwyddo'r amcanion trwyddedu:

Gall yr Is-bwyllgor:

- Cymeradwyo'r cais a wnaethpwyd
- Cyflwyno unrhyw amodau, i'r graddau y mae'r Awdurdod yn eu hystyried yn angenrheidiol i hyrwyddo'r amcanion trwyddedu
- Gwrthod y Cais

4.0 GWYBODAETH GEFNDIR

4.1 Ar 9 Mai 2016, cafodd yr Awdurdod Trwyddedu gais am Drwydded Eiddo newydd. Cyflwynwyd y cais gan Yvette Giblin mewn perthynas â The Pots, 22 Stryd Fawr, y Rhyl.

4.2 Mae'r ymgeisydd wedi gofyn am ganiatâd i ddarparu'r gweithgareddau trwyddedadwy canlynol:

GWEITHGAREDD TRWYDDEDADWY	DIWRNODAU PERTHNASOL	AMSER O	Amser I
Darparu cerddoriaeth fyw (dan do yn unig)	Dydd Iau Dydd Gwener a dydd Sadwrn	19:00 19:00	23:00 02:00
Darparu Cerddoriaeth wedi'i Recordio (Dan do yn unig)	Dydd Llun – Dydd Iau Dydd Gwener a dydd Sadwrn Dydd Sul	11:00 11:00 11:00	23:00 02:00 00:00
Darparu Alcohol	Dydd Llun – dydd Mercher Dydd Iau Dydd Gwener a dydd Sadwrn Dydd Sul	11:00 11:00 11:00 11:00	23:00 00:00 02:00 00:00

- 4.3 Darparu cerddoriaeth fyw – Mae'r ymgeisydd wedi nodi y chwaraeir gerddoriaeth fyw wedi'i fwyhau tan 02:00 ar ddydd Gwener a dydd Sadwrn unwaith neu ddwywaith y mis yn unig; gall berfformiadau acwstig ddigwydd ar ôl 23:00.
- 4.4 Darperir cerddoriaeth fyw ar Nos Calan tan 02:00.
- 4.5 Darparu Cerddoriaeth wedi'i recordio – Mae'r ymgeisydd wedi nodi y bydd hyn yn cynnwys cyfuniad o gerddoriaeth gefndirol a DJ.
- 4.6 Deddf Trwyddedu 2003 – gwybodaeth/gofynion
Pan fydd cais yn cael ei gyflwyno am drwydded eiddo, mae'n rhaid rhoi copi llawn i bob un o'r Awdurdodau Cyfrifol, sef:
- Yr Heddlu
 - Gwasanaeth Tân
 - Cynllunio
 - Safonau Masnach
 - Iechyd yr Amgylchedd
 - Iechyd a Diogelwch
 - Gwasanaethau Plant
 - Awdurdod Iechyd
 - Awdurdod Trwyddedu
- 4.7 Hysbysiad Cyhoeddus
Mae'n rhaid i'r ymgeisydd gynnwys hysbysiad mewn papur newydd lleol a rhoi hysbysiad ar yr adeilad neu wrth ei ymyl. Bydd hyn yn galluogi unigolion, corff neu fusnes i gyflwyno sylwadau perthnasol. Ond, bydd yn rhaid iddynt ddangos bod eu sylwadau yn ymwneud â hyrwyddo un neu fwy o'r amcanion trwyddedu.
- 4.8 Sylwadau Perthnasol
Derbyniwyd sylwadau sydd, ym marn Pennaeth Gwasanaethau Rheoleiddio a Thai, yn berthnasol mewn perthynas â'r cais o fewn y cyfnod statudol o 28 diwrnod.
- 4.8.1 Derbyniwyd sylwadau ysgrifenedig gan Wasanaeth Tân ac Achub Gogledd Cymru sydd yn ystyried nad yw'r darpariaethau diogelwch tân cyfredol yn yr eiddo yn addas ac yn gyfleus ar gyfer y defnydd arfaethedig. Atodir fanylion llawn yn Atodiad A i'r adroddiad hwn, ynghyd ag adroddiad gan Wasanaeth Tan ac Achub Gogledd Cymru yn manylu materion o bryder ac argymhellion y byddai'n mynd i'r afael â diffygion mewn ymateb i'r cais. Mae manylion o'r sylwadau wedi cael eu hanfon

ymlaen i'r ymgeisydd.

- 4.8.2 Mae Heddlu Gogledd Cymru wedi cyflwyno sylwadau ar y Cais. Fodd bynnag, ar ôl trafodaethau gyda'r ymgeisydd, mae nifer o amodau wedi'u cynllunio i hyrwyddo'r amcanion trwyddedu ymhellach wedi cael eu llunio. Mae'r ymgeisydd wedi nodi ei pharodrwydd i gytuno ar yr amodau hyn, ac ar y sail hon, bydd Heddlu Gogledd Cymru yn gofyn, pe bai Aelodau o blaid caniatáu'r cais, eu bod yn ystyried ymgorffori'r amodau hyn o fewn Atodlen Weithredu'r eiddo. Gall yr Aelodau edrych ar yr amodau yn Atodiad B yr adroddiad hwn.

5.0 Amcanion Trwyddedu / Canllawiau / Ystyriaethau Polisi

- 5.1 Mae'r sylwadau perthnasol yn ymglymu'r amcanion trwyddedu.
- 5.2 Cyfeirir yr Is-bwyllgor, mewn perthynas â'r cais hwn, at y canllawiau a roddwyd dan Adran 182 Deddf Trwyddedu 2003:
- Atal Trosedd ac Anrhefn **Adran 2.1 i 2.5**
 - Diogelwch y Cyhoedd **Adran 2.6 i 2.8**
 - Diogelu Plant Rhag Niwed **Adran 2.21 i 2.30**

5.3 Datganiad Polisi Trwyddedu

Cyfeirir yr Is-bwyllgor, mewn perthynas â'r cais, at Ddatganiad Polisi Trwyddedu'r Cyngor:

- Atal Trosedd ac Anrhefn **Adran 5**
 - Diogelwch y Cyhoedd **Adran 6**
 - Diogelu Plant Rhag Niwed **Adran 8**
- 5.4 Yn olaf, atgoffir yr aelodau hefyd bod rhaid iddynt ystyried y canlynol wrth wneud penderfyniad ynglŷn â'r cais yn unol â Ddeddf Trwyddedu -
- Deddf Trosedd ac Anhrefn 1998 sy'n rhoi dyletswydd arno i atal/lleihau trosedd ac anhrefn yn yr ardal
 - Reolau cyfraith gyffredin o gyfiawnder naturiol
 - Darpariaethau o Ddeddf Hawliau Dynol 1998

6.0 **SYLWADAU'R SWYDDOGION**

Mae Pennaeth Cynllunio a Gwarchod y Cyhoedd wedi cyflwyno'r sylwadau canlynol i gynorthwyo Aelodau yn eu trafodaethau.

- 6.1 Mae atodlen weithredu gyflawn yn ofynnol ar gyfer pob Trwydded Eiddo

newydd a'r rhai sy'n cael eu hamrywio a gall yr Aelodau archwilio'r atodlen a gyflwynwyd gan yr ymgeisydd yn Atodiad C yr adroddiad hwn.

- 6.2 Mae'r ymgeisydd wedi dynodi ei pharodrwydd i weithio gyda Gwasanaeth Tân ac Achub Gogledd Cymru i gyflawni'r gofynion ac argymhellion a nodir yn Atodiad A, ac mae'n gweithio gyda pherchnogion yr eiddo i gyflawni hyn; bydd yr Aelodau yn cael eu diweddarau yn y Gwrandawriad am unrhyw gynnydd yn y maes hwn.
- 6.3 Gan ystyried y pryderon a godwyd gan Wasanaeth Tan ac Achub Gogledd Cymru, os yw Aelodau yn bwriadu cymeradwyo'r cais, efallai y byddant eisiau gosod amod yn nodi y dylid oedi Trwydded Eiddo nes bydd archwiliad boddhaol wedi ei gyflawni.
- 6.4 Atgoffir Aelodau, o fis Hydref 2012, pan ddaeth Deddf Cerddoriaeth Fyw i rym, mae'r gofyniad trwyddedu ar gyfer cerddoriaeth fyw rhwng 08:00 ac 23:00 wedi'i dynnu'n ôl mewn rhai sefyllfaoedd penodol. Er gwybodaeth i'r Aelodau, mae Adran 15 y Canllaw Deddf Trwyddedu yn diffinio'r eithriadau hyn.
- 6.5 Yn olaf, atgoffir Aelodau, er bod y sylwadau a gyflwynwyd gan Heddlu Gogledd Cymru wedi cael cytundeb yr ymgeisydd, dim ond Aelodau o Is-bwyllgor sy'n gallu atodi unrhyw newidiadau i'r cais gwreiddiol, megis amodau ychwanegol, wrth Drwydded Eiddo.

Crynodeb

- 7.0 Fe ddylai Aelodau ystyried y Canllawiau a Datganiad Polisi Trwyddedu'r Cyngor yn ofalus, yn arbennig o ran y meysydd a amlygir yn yr adroddiad hwn. Atgoffir Aelodau mai ar sail tystiolaeth/rheswm da yn unig y dylid gwyro oddi wrth y Polisi.
- 7.1 Bydd yn rhaid i Aelodau benderfynu p'un ai yw cymeradwyo'r cais hwn fel y gwnaethpwyd cais amdano, yn hyrwyddo'r amcanion trwyddedu statudol, yn arbennig o ran atal trosedd ac anrhefn, a diogelu plant rhag niwed.
- 7.2
- 7.3 Yn sgil y sylwadau sydd wedi dod i law, bydd yr Aelodau yn dymuno ystyried y cais hwn i Amrywio Trwydded Eiddo yn ofalus.